

ERISSET KE MKPA YE EDIDỌK CHRIST KE ENYỌŃ

Mark 15:42-47; 16:1-20; Utom Mme Apostle 1:1-11.

ỌYỌHỌ UKPEP-ŃKPO 435

Eke Mkparawa

IKỌ IBUOT: “Eka ke ofuri ererimbot ekekwọrọ gospel enọ kpukpru owo” (Mark 16:15).

Idori-enyin Okpu

Ke ata ediwak isua mme Jew ekesuk ebebet owo ndiwọrọ ke otu mmọ emi edidahade ada onyụn ada itie nte akwa edidem. Mmọ ekeyom owo emi edibuñde ọkpọnọ ukara mbon ufik onyụn anam mmọ etọnọ ntak ekara idem mmọ. Ekem Jesus ọbiọnọre edinam mme utibe ńkpọ: ọkọk udọnọ, anam mme akpa mkpa eset, ọbọk mme tọsin owo ke mkpasip uyo ition ye ndusuk iyak. Ke akpanikọ Enye emekeme ndinam ńkpọ ekeded; ndien ama odu ndusuk owo emi ekenimde Enye ke akpanikọ onyụn ekerede ete idahaemi Andifak me Messiah ama ọbiọnọre.

Edi ke mkpasip isua ita edisaña Esie nnam nti utom nnọ mme owo ebede, ema ekọn Enye ke krọs ndien mmọ eka-iso esine ke ufin mbon Rome. Nte ededi, ediwak owo ema ebọhọ, ema efen mme idiok-ńkpọ mmọ, ndien mmọ ema ewọrọ ufin ke Spirit; edi mmọ ekesuk eyom uwọrọ-ufin eke ukara.

Mmọ ema eyik, idem onyụn akpa mmọ: Ntak emi Enye akpayakde mme asua Esie emia Enye? Ntak emi Enye ekpetienede mmọ ọdọk obot Calvary man ekọn Enye ke krọs? Enye ọkọdọhọ ete ke imekeme ndikot udim (legion) mme angel edinwam Enye edieke Enye okpoyomde. Ndien nso edi ntak emi Enye mikọsuhọkere ke krọs? Mmọ edori enyin tutu osim utit, edi idahaemi Enye akpa.

Ikọ-Abasi Emi Osude

Owo kiet okodu, ekere Joseph, owo Arimathea, emi ekebetde ini emi Abasi ediwakde obio-ubọn ke isọn, ndien ekeme ndidi enye ama onim ete nte ededi ke Jesus ama enyene ubọk ke ndutim emi, okposuk nte Enye ama akpa. Nnyin ikopke nte esiakde enyiñ esie nte owo mbet Jesus kiet, edi ke ini emi enye ikokopke but ndika mbine Pilate ńkebeñe okpo Jesus man obuk Enye ke ido nte ọfọnde. Joseph ekedi owo inyene onyụn enyene ediye udi emi enye akayakde ọnọ Jesus ke mfọn, man ntiñ-nnim ikọ Isaiah osu: “Mmọ enim udi esie ye mme idiok owo edi enye odu ye owo inyene ke mkpa esie” (Isaiah 53:9). Mme idiok owo ekedi mme inọ oro ekekeñde ye Christ, ndien Joseph ekedi owo inyene emi Enye ọkọbuhọde ke udi esie.

Ọyọhọ Usen Ita

Mme ikpọ oku emi ekebierede ikpe mkpa Jesus ema eti nte Jesus ọkọdọhọde ete Imọ iyaset ke ọyọhọ usen ita. Mmọ ikotimke inim ite Enye eyeset, edi mmọ ekefehe ndik ete ndusuk mbet eyedi ediyip okpo Jesus enyụn edọhọ ete ke Enye ama eset. Mmọ ekeyom Pilate otim anam ekpeme udi tutu ọyọhọ usen ita oro ebe mbak mme Jew edituk enye.

Ikpakanaha mme oku etimere esit ebaña mbet. Mbet ikonyuñ itihe ite ke Jesus ama ọdọhọ ete Imọ iyaset. Mmọ ema efuhọ eti-eti, ndien ńkukure ekikere mmọ ekedi nte Jesus, edima ufan mmọ ọkọkpọnde mmọ. ke mfuhọ mmọ, mmọ edọhọ ete: “Edi nnyin ikodori enyin ite edi Enye edifak Israel” (Luke 24:21). Ndien mmọ ekere ete ke idori-enyin okpu idahaemi.

Enwọnọ Uwem

Jesus ama odomo nditọt mbet Esie nte ke Imọ inyene ndikut ndutuhọ nnyuñ mkpa; edi Enye ama ọnwoñọ ọnọ mmọ ete Imọ iyefiak idu uwem. Ama odu ini kiet ke Edikpuhọre Idem ama ekebe, ke ini Enye ọkọdọhọde Peter, James, ye John ete mmọ ekutiñ se mmọ ekektude ibọhọke “ke ini eke Eyen Owo edisetde ke mkpa” (Mark 9:9). Mmọ ema eneme ke otu idem mmọ: nso ke Enye etiñ emi ete “edisetde ke mkpa”? Ini efen Enye ama ọdọhọ mmọ ete Imọ imenyene odudu ndiyak Uwem Imọ nduok ndinyuñ ntọnọ ntak nda nnyene; edi utọ ńkpọ oro akanam itibeke. Didie ke utọ ikọ oro edinwaña mmọ?

Jesus ama etiñ ọnọ mbet Esie, ńko ete ke ima iset Imọ iyasobo ye mmọ ke Galilee. Edi mbet Esie ikakaha Galilee ndiyom Enye, koro mmọ ikodorike enyin nditọnọ ntak ńkut Enye.

Unana Edinim Ke Akpanikọ

Mary Magdalene ye Mary eken ema ekut ini ekebukde Jesus ke udi Joseph, enyuñ enyoñọ eka nditim ufuoñ-ńkpọ man ekpeda eyet Enye ke Usen Ibet mme Jew ama ebe. Ikodukke mmọ ekikere ete Enye eyeset ọwọrọ ke ini mmọ edifiakde edi.

Kere nte idem akakpade mmọ adaña emi mmọ edide ke akpa usen urua ye ufuoñ-ńkpọ mmọ, enyuñ ekutde udi anade iñwañ! Jesus ama ọwọrọ; edi angel kiet emi eketiede do ọdọhọ mmọ ete: “Enye emeset: Enye iduhe mi.” Afia linen ama odu do emi Joseph ekepede ada awań okpo Christ, ntre ndudue ikoduhe ite emi ekedi nnen-nnen itie. Etop oro ama anam iban emi ndik ndien ama ọsọñ mmọ idem ndinim ke akpanikọ.

Jesus ama eset ke mbiet ikpohidem owo. Ke ini Enye osobode ye Mary Magdalene ke iñwañ onyuñ enemede ye enye, enye ekekere ke akpa ifet ete Enye edi ekpeme iñwañ, ndien enye obup Enye mme Enye ekemen okpo Jesus efep. Ke ini Enye okotde enye ke enyiñ, enye ndien ọdiọñọ ete edi Ọbọñ esie. Enye ọsọp efehe aka ndibuk nnọ mbet eken nte ke Enye emeset ke akpanikọ, ńko ke imọ imokut Enye. Edi mmọ ikonimke enye ke akpanikọ.

Ke mbubreyo usen oro, nte mbet iba esañade ke usuñ eka Emmaus, Jesus edisaña ye mmọ onyuñ eneme ye mmọ; ekem Enye ọsuhọre etie ye mmọ ke itie udia. Enye ikedighe spirit edi ekedi Jesus oduwem, ke ikpohidem. Nte Enye emende uyo ọdiọñ mbemiso mmọ eta, mmọ ndien ediọñ Enye. Enye osop mmọ ke enyin, ndien mmọ esọp enyoñọ Jerusalem man ekebuk enọ mme Mbet ete mmimọ imokut Jesus nte odude uwem. Edi mmọ oro eketiñde mbuk emi enọ inimke ke akpanikọ.

Esua Enọ Mbet

Jesus ama ọfuhọ nte ndomo owo kiet ke otu mmọ mmikonimke ke akpanikọ, kpa ye idem mme Mbet, ibọhọke mmọ ekut Enye ye uwem. Enye ama etetiñ ọnọ mmọ ete ke Imọ inyene ndikpa, edi ke Imọ iyaset ke ọyọhọ usen ita. Ke ini Jesus ayararede idem Esie ọnọ mbet duopekiet, Enye obup mmọ ntak emi mmọ mmikonimke mme ńkpọ oro Enye eketiñde. Ndien se mme anditiñ ntiñ-nnim ikọ ekewetde ebaña Enye, nte mmọ ikponimke oro ke akpanikọ? Nte mmọ ekpebet tutu mmọ ekut ke enyin ndien enim ke akpanikọ? Jesus ọdọhọ ye Thomas ete: “Sia ama okokut Mi, omonim ke akpanikọ? Ọfọfọn ọnọ mmọ emi mikekwe, edi enimde ke akpanikọ” (John 20:29). Ọfọfọn oro enyene kpukpru nditọ Abasi mfin emi mmikwe Jesus ke ikpohidem edi enimde ete Enye ama akpa abaña mme idiok-ńkpọ nnyin onyuñ ọtọñọ ntak eset.

Utom Christ

Jesus ọkọdọhọ mbet ete ke Imọ imokure utom emi Ete ọkọdọñde Imọ ete inam mi ke isọñ, ndien ke Imọ iyese ọndika ke Heaven ndidu ye Ete. Ke Enye ama ọnyoñ mmọ enyene ndikwọrọ se Enye. ọkọkwọrọde: erikabare esit ye erifen ke idiok-ńkpọ. Mmọ enyene ndikpep mme owo nte ke Jesus ama mmọ, ndien ke mmọ enyene ndinim Enye ke akpanikọ man enyaña mmọ. Mmọ enyene ndinim ete ke Jesus ama akpa nte usio-isop idiok-ńkpọ mmọ ndien ke ama onyuñ eset ke mkpa.

Mbet ididuhe ikpọñ ke ini mmọ edisañade ndikwọrọ ikọ; ke Jerusalem, nnọ mme owo oro ekewotde Jesus; ke Samaria, ke otu mmọ emi mme Jew ekesuade sua; ke ofuri idut emi ekande ekuk; ye mme isen owo ke mme utit ererimbot. Jesus eyesaña, onyuñ anam utom ye mmọ “ọsọñọ ikọ mmọ.” Oro edi ke Enye eyediọñ utom mmọ onyuñ anyaña mme ukpọñ, onyuñ ọkọk mbon udọñọ ke ibọrọ akam mmọ, kpa nte Enye ọkoñwoñọde.

Idiọñọ Emi Etienede

Jesus ete: “Ndien mme idiọñọ emi eyetiene mmọ emi enimde ke akpanikọ.” Ediwak owo mfin edọhọ ete ke ini mme utibe ńkpọ ema ebe; ke mme utibe-ńkpọ okodu ke ntọñọ ini oro man eda etọñọ ufọk-Abasi, edi ke mfin mmọ iduhe aba sia ufọn ndiyom mmọ mminyuñ iduhe. Edi Jesus ọkọdọhọ: “Ndien mme idiọñọ emi eyetiene mmọ emi enimde ke akpanikọ: ke enyiñ Mi ke mmọ eyebin mme demon; eyesem mbufa usem; eyemen uruk-ikọt ke ubọk; onyuñ edieke mmọ enwoñde ńkpọ ekededi eke abiatde uwem, ididiokke ye mmọ; mmọ eyedori mbon-udọñọ ubọk, ndien mmọ oro eyekop nsọñidem.” (Mark 16:17). Edieke mme idiọñọ oro mmitieneke uwem mme Anditiene-Christ, ekeme ndidi nnyin inimke ke akpanikọ; “edi ke mbuqtidem miduhe, owo ikemeke ndinem Abasi esit” (Mme Hebrew 11:6).

Edieke mmikòkke udòño ke ikpòhidem oto ke ibòrò akam, ñko edieke mmikpuhòkere uwem mme anam-idiòk oto ke ukwòrò-ikò nnyin, ana edi enyene se ibiatde mbuòtidem nnyin. James, Owo-mbet ekewet ete: “Wut mi mbuòtidem eke misañake ye erinam ñkpò, ndien ami nyeda erinam ñkpò ñwut fi mbuòtidem mi” (James 2:18). Ke ikò efen, afo ete imò imenyene mbuòtidem; wut enye ke erinam ñkpò nte asañade ekekem ye mme eñwòño Abasi. Ikò Abasi ikemeke ndibiaña, ndien mme eñwòño Esie enyene mmò emi enimde ke akpanikò.

Jesus òkòbòñ akam abañà mbet Esie ete mbuòt-idem mmò ekukpu. Edieke nnyin iyirede ke edikot Ñwed Abasi ye ke edibòñ akam nno Jesus, Enye eyenò nnyin mbuòtidem ndida nnam ñkpò nno Abasi. Ana ebemiso efen ke mme idiòk-ñkpò nnyin; ndien edieke esit nnyin mmibiomke nnyin, nnyin imenyene uko nte ke Abasi okop akam nnyin ke ini nnyin ibòñde, ndien nnyin iyebò ibòrò. “Mme idiòño emi eyetiene mmò emi enimde ke akpanikò,” ama esine ke otu mme akpatre ikò Jesus. Enye ndien ònò mmò uyo ete efiak enyòño Jerusalem ekebet ndibò uduòk-mmòñ Edisana Spirit, emi edinamde mmò edi mbon ntiense ye uko ke ebiet ekededi emi mmò edikade. Eyenam mbuòtidem mmò òdòdiòñ okpon man mme idiòño ekpetiene ukwòrò-ikò mmò.

Oduk Ikpa-enyòñ

Ofuri ñkpò ama okure idahaemi. Ke usen aba Jesus ama asañà ye mmò, ama onyũ ònò mmò ediwak idiòño emi mmikpanaha eyik ete Enye ama eset ke akpanikò, kpa ukem Jesus emi ama akakpa ke kròs. Do ke Obot Olive, nte mbet esuk ewukde enyin ese, emen Jesus edòk eduk ke ikpa-enyòñ eka ke Heaven, ndien Enye ònyòñ.

Mbet eda do ke mkpa-idem, ke esese òtò emi Jesus okodukde. Nte mme idorenyin mmò òmòñ òtòñ ntak okpu? Nte Enye emi mmò ekemade eti-eti ònyòñ ofuri-ofuri? Ke ndo-ndo oro angel iba eda ke ufòt mmò enyũ edòhò ete, “Jesus emi, emi emende Enye ekpòñ mbufo eduk ke Heaven, eyedi kpa ido emi mbufo ekutde Enye ònyòñde oduk ke Heaven.” Oro ekedi eñwòño nte ke Enye eyetòño ntak edi, ndien mbet ema ebò ndòñ-esit. Edi akpanikò ete ke mmò ema eti ndien ete ke Jesus ama òdòhò: “Koro mmòñ ñka ñkotim itie nnim nno mbufo. Ndien edieke ñkade ñkotim itie ntre nno mbufo, nyefiak ndi ndida mbufo nno Idem Mi; man mbufo enyũ edu ke ebiet eke Ami ndude” (John 14:2, 3).

Jesus etiñ oro ònò nnyin nte mme Anditiene-Christ mfin. Enye odu ke Heaven ke otim itie ebeñe nnyin, ke onyũ ebeñe nnyin onim ònò itie oro; ndien idibighike usen kiet Enye ke afiak edi nditañ ikòt Esie nduk ke Heaven ebiet emi mmò edibòde kpukpru utibe edidiòñ emi Enye onimde ònò mmò emi emade Enye.

Idahaemi, ana nnyin itiñ enyin ke utom emi inamde inò Ete-ufòk, ndiwut mbuòtidem nnyin ke Enye oto ke mme ñkpò emi nnyin inamde.

MME MBUME

- 1 Mme anie ekekòñ Jesus ke eto, ndien nso ikedi ntak?
- 2 Anie okobuk Jesus? Ndien ewe ntiñ-nnim-ikò ke Ikò Abasi ke enye akanam osu?
- 3 Nnyin isaña didie ifiòk ite ke Mary iba oro ikonimke ite Jesus eyefiak eset?
- 4 Jesus ekekere didie abañà usuñ nte mbet ekebòde etop ete Enye ke odu-uwem?
- 5 Siak ndusuk idaha emi Jesus okowutde idem ke Enye ama ekeset.
- 6 Nso ikedi ndusuk akpatre ikò Jesus?
- 7 Mme anie edibò mme edidiòñ emi Jesus òkòñwòño?
- 8 Didie ke Jesus òkòkpòñ ererimbot emi?
- 9 Nso ikedi etop mme angel emi ekosobode ye mbet ke Obot Olive?